



**TAJUK KHUTBAH JUMAAT**

**Siri: 03/2024**

**SOLAT MEMBENTUK PERIBADI MULIA**

**19 Januari 2024**

*Bersamaan*

**7 Rejab 1445**

**DIKELUARKAN OLEH:**

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## KHUTBAH PERTAMA

أَحْمَدُ لِلَّهِ الَّذِي فَرَضَ عَلَيْنَا خَمْسَ صَلَوَاتٍ، وَفَضَّلَهَا عَلَي سَائِرِ الْعِبَادَاتِ،

وَأَشْهَدُ أَنْ لَا إِلَهَ إِلَّا اللَّهُ الْوَاحِدُ الْقَهَّارُ،

وَأَشْهَدُ أَنَّ مُحَمَّدًا عَبْدُهُ وَرَسُولُهُ الْمُخْتَارُ،

اللَّهُمَّ صَلِّ وَسَلِّمْ عَلَى سَيِّدِنَا وَحَبِيبِنَا مُحَمَّدٍ سَيِّدِ الْأَبْرَارِ،

وَعَلَى آلِهِ وَأَصْحَابِهِ وَالتَّابِعِينَ وَتَابِعِي التَّابِعِينَ الْأَطْهَارِ.

أَمَّا بَعْدُ، فَيَا أَيُّهَا الْمُؤْمِنُونَ! اتَّقُوا اللَّهَ وَأَطِيعُوهُ لَعَلَّكُمْ تُرْحَمُونَ.

إِخْوَانِي الْمُسْلِمِينَ رَحِمَكُمُ اللَّهُ،

Marilah kita sama-sama meningkatkan ketakwaan kepada Allah s.w.t, dengan melaksanakan segala apa yang disuruh dan meninggalkan segala apa yang dilarang, mudah-mudahan kita akan mendapat rahmat dan keredhaan Allah SWT.

Antara cara meningkatkan ketakwaan kepada Allah SWT, ialah: melaksanakan segala ibadat-ibadat fardhu dan sunat dengan betul dan sempurna, sebagaimana yang dituntut oleh syarak, terutama sekali ibadat solat yang menjadi tiang kepada agama kita. Justeru, mimbar Jumaat pada hari ini akan membicarakan tentang tajuk:

### **SOLAT MEMBENTUK PERIBADI MULIA**

## Muslimin Sidang Jumaat Yang Dirahmati Allah Sekalian

Kita sekarang berada pada bulan Rejab, bulan yang mengajak kita mengimbau dan menghayati suatu peristiwa agung, yang berlaku kepada junjungan besar kita, Nabi Muhammad SAW, pada bulan tersebut, iaitu peristiwa pensyariatan solat.

Solat merupakan satu ibadat yang paling utama dalam Islam. Pensyariatannya diterima oleh Rasulullah SAW. pada malam Isra' dan Mi'raj secara langsung daripada Allah SWT tanpa melalui perantaraan Jibril, berbanding ibadat-ibadat yang lain, yang hanya diperintahkan dengan wahyu yang disampaikan kepada Nabi Muhammad SAW melalui Jibril AS.

Memandangkan betapa pentingnya solat dalam kehidupan manusia, maka Islam mewajibkan ke atas kedua ibu bapa mengajar, melatih dan menyuruh anak-anak mereka mendirikan solat semenjak berumur tujuh tahun lagi, sekalipun pada ketika itu anak-anak mereka belum lagi mukallaf (aqil baligh), namun tetap menjadi kewajipan ke atas kedua ibu bapa menyuruh mereka melakukannya, jika tidak ibu bapa berkenaan akan menanggung dosa sepanjang tempoh tersebut. Sabda Rasulullah s.a.w:

مُرُوا أَوْلَادَكُمْ بِالصَّلَاةِ وَهُمْ أَبْنَاءُ سَبْعِ سِنِينَ وَاضْرِبُوهُمْ عَلَيْهَا وَهُمْ أَبْنَاءُ عَشْرِ سِنِينَ وَفَرِّقُوا بَيْنَهُمْ فِي الْمَضَاجِعِ.

**Yang bermaksud:** Suruhlah anak-anak kamu mendirikan solat ketika mereka berumur tujuh tahun, pukullah mereka (dengan pukulan mendidik bukan mencederakan) jika meninggalkan solat ketika mereka berumur sepuluh tahun dan pisahkan tempat tidur mereka.

(H.R. Ahmad dan Abu Daud)

Dalam masa yang sama ibu bapa juga wajib mendirikannya sebagai contoh tauladan yang baik kepada anak-anak, kerana pendidikan melalui perbuatan adalah lebih berkesan berbanding dengan pendidikan melalui lisan semata-mata. Firman Allah dalam surah Toha ayat 132:

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا نَحْنُ نَرْزُقُكَ وَالْعَاقِبَةُ

لِلنَّاقِي ۝ ۱۳۲

**Yang bermaksud:** Dan perintahkanlah keluargamu serta umatmu mengerjakan sembahyang, dan hendaklah engkau tekun bersabar menunaikannya. Kami tidak meminta rezeki kepadamu, (bahkan) Kamilah yang memberi rezeki kepadamu. Dan (ingatlah) kesudahan yang baik adalah bagi orang-orang yang bertakwa.

### **Muslimin sidang Jumaat yang diberkati Allah sekalian**

Solat Fardhu lima waktu yang diwajibkan ke atas setiap individu muslim yang mukallaf, merupakan salah satu rukun Islam yang sangat penting, yang wajib ditunaikan dengan betul dan sempurna, kerana hanya solat yang betul dan sempurna sahaja yang akan dapat membentuk peribadi yang mulia. Antara peribadi yang mulia, kesan dari mendirikan solat ialah:

#### **Pertama: Menjaga kebersihan dan keindahan,**

Seseorang yang mendirikan solat dengan sempurna, akan membiasakan dirinya menjaga kebersihan, kerana seseorang yang hendak mendirikan solat disyaratkan terlebih dahulu bersih dari hadath kecil dan hadath besar dan bersih dari najis yang tidak dimaafkan pada tubuh badan, pakaian, dan tempat sembahyang. Malah orang yang mendirikan solat juga dikehendaki memakai pakaian yang indah.

## **Kedua: Kemantapan akidah dan keimanan**

Seseorang yang mendirikan solat dengan sempurna, akan lebih mantap akidah dan keimanannya, kerana solat sempurna ialah solat yang didirikan dengan penuh pengabdian diri kepada Allah, khusyuk, tawaduk (merendah diri) dan ikhlas kerana Allah.

## **Ketiga: Mengingati Allah**

Seseorang yang mendirikan solat dengan sempurna akan sentiasa mengingati Allah dan bermunajat kepada Allah. Kerana dalam solat selain daripada perbuatan zahir yang wajib dilaksanakan dengan betul dan sempurna rukun dan syaratnya, hati juga, perlu khusyuk dan mengingati Allah. Orang yang sentiasa mengingati Allah tidak akan melanggar perintah Allah kerana dia yakin bahawa segala gerak gerinya sedang dipantau oleh Allah.

## **Keempat : Memberi ketenangan kepada jiwa**

Seseorang yang mendirikan solat dengan sempurna, jiwanya akan menjadi tenang, tidak resah dan tidak gelisah dalam menghadapi cabaran hidup, kerana ia sentiasa yakin dan redha dengan penentuan Allah serta menerimanya dengan jiwa yang lapang.

## **Kelima: Terhindar dari melakukan kemungkaran**

Seseorang yang mendirikan solat dengan sempurna, akan terhindar dari melakukan perbuatan maksiat, kerana orang yang mendirikan solat dengan betul dan sempurna Allah s.w.t. akan memeliharanya daripada segala perbuatan yang dilarang.

## **Keenam: Mengeratkan hubungan dalam masyarakat**

Mendirikan solat secara berjemaah di surau atau masjid selain dari mendapat gajaran yang lebih, ia juga dapat mengeratkan hubungan sesama jemaah yang akhirnya melahirkan masyarakat yang kuat, harmoni dan bersatu padu.

## **Ketujuh: Prihatin terhadap penjagaan masa.**

Seseorang yang mendirikan solat dengan sempurna, akan prihatin terhadap masanya, kerana tidak sah solat seseorang itu jika dilakukannya di luar waktu yang ditetapkan, malah solat yang paling baik ialah yang dilakukan di awal waktu.

Kesimpulannya, seseorang yang mendirikan solat secara sempurna, In Sya Allah akan lahir daripadanya keperibadian yang mulia sebagaimana yang disebut tadi, bahkan pelbagai lagi sifat-sifat mahmudah (yang terpuji).

## **Sidang Jumaat yang dikasihi,**

Sebagai umat Nabi Muhammad SAW, kita hendaklah melaksanakan ibadah solat dengan sebaik-baiknya. Janganlah sampai kita menjadi golongan mereka yang tidak dipedulikan oleh Allah dan RasulNya lantaran kelalaian dan kealpaan kita terhadap ibadah solat ini pada akhirat kelak. Padahal kita amat memerlukan rahmat dan keampunan daripada Allah SWT, dahagakan air telaga Kauthar yang dihulurkan sendiri daripada tangan Nabi SAW, seterusnya memasuki Syurga Al-Jannah bersama Baginda SAW dan seluruh golongan yang diredai oleh Allah SWT.

أَعُوذُ بِاللَّهِ مِنَ الشَّيْطَانِ الرَّجِيمِ

فَإِذَا قَضَيْتُمُ الصَّلَاةَ فَادْكُرُوا اللَّهَ قِيَمًا وَقُعُودًا وَعَلَىٰ جُنُوبِكُمْ فَإِذَا

أُطْمَأْنَنْتُمْ فَأَقِيمُوا الصَّلَاةَ إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا ﴿١٠٣﴾

**Yang bermaksud:** “Kemudian apabila kamu telah selesai mengerjakan sembahyang, maka hendaklah kamu menyebut dan mengingati Allah semasa kamu berdiri atau duduk, dan semasa kamu berbaring. kemudian apabila kamu telah merasa tenteram (berada dalam keadaan aman) maka dirikanlah sembahyang itu (dengan sempurna sebagaimana biasa). Sesungguhnya sembahyang itu adalah satu ketetapan yang diwajibkan atas orang-orang yang beriman, yang tertentu waktunya”.

(Surah an –Nisa ayat :103)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،

وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،

وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،

وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،

فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.

## KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

### **Sidang Jumaat yang dirahmati Allah,**

Pada kesempatan hari yang penuh barakah ini, marilah sama-sama kita mendoakan yang terbaik kepada anak-anak yang sedang dan bakal menduduki peperiksaan, semoga mereka dikurniakan kesihatan yang baik, dilimpahi ketenangan dan dipermudahkan kefahaman ketika menjawab soalan, seterusnya mendapat keputusan yang cemerlang.

Khusus kepada para ibu bapa, berilah dorongan dan sokongan kepada anak-anak, agar mereka sentiasa tabah dan bersungguh-sungguh dalam pembelajaran, tanpa mengabaikan kewajipan kepada Allah SWT. Semoga kita semua beroleh kejayaan di dunia dan juga di akhirat.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا  
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ  
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ اشْفِ  
مَرْضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ  
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ  
زَاهِرَةَ، سُلْطَانَةِ تَرَعَّكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،  
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ  
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلِّ الْمُعْتَدِينَ الظَّالِمِينَ، وَدَمِّرْ أَعْدَائِكَ أَعْدَاءَ  
الدِّينِ، وَانصُرْنَا عَلَيْهِمْ يَا رَبَّ الْعَالَمِينَ. اللَّهُمَّ انصُرْ إِخْوَانَنَا الْمُسْلِمِينَ  
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

**Ya Allah,**

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

**Ya Allah**

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

**Ya Allah,**

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ  
فَاذْكُرُوا اللَّهَ الْعَظِيمَ يَذُكُرْكُمْ، وَاشْكُرُوا لَهُ عَلَى نِعْمِهِ يَزِدْكُمْ،  
وَلَذِكُرِ اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.  
قُومُوا إِلَى صَلَاتِكُمْ، يَرْحَمْكُمْ اللهُ.

